

後漢書

列傳

廿九

鄧張徐張胡列傳第三十四

范曄後漢書四十四

鄧彪傳

鄧彪字智伯南陽新野人續漢書曰其先楚子孫以農桑爲業

人鄧況始居新野

封郿侯

郿音莫庚反

仕至渤海太守彪少勵志修

孝行父卒讓國於異母弟荆鳳

本或無荆顯宗高

其節下詔許焉後仕州郡辟公府

東觀記曰彪與同郡

宗武伯翟敬伯陳綏伯張弟伯

同志好齊名南陽號日五遷桂陽太

守永平十七年徵入爲太僕數年喪後母辭

疾乞身詔以光祿大夫行服竟拜奉車都

尉遷大司農數月代鮑昱爲太尉彪在位清

白爲百僚式視事四年以疾乞骸骨元和元

年賜策罷贈錢三十萬在所以二千石奉終

其身又詔太常四時致宗廟之胙

胙祭廟肉也

祭異姓則歸之胙同姓則留之宴禮不預祭而賜胙重之

河南尹遣丞存

問常以八月旦奉羊酒東觀記日賜羊酒一頭也

和帝

即位以彪爲太傅錄尚書事賜爵關中侯劉

放曰按漢無閨中侯中當作內字

永元初竇氏專權驕縱朝

廷多有諫爭而彪在位修身而已不能有所

匡正又嘗奏免御史中丞周紓前失竇氏

旨故頗以此致譏然當時宗其禮讓及竇氏

誅以老病上還樞機職詔賜養牛酒而許焉

五年春薨于位天子親臨弔臨

張禹傳

張禹字伯達趙國襄國人也祖父況族姊爲

皇祖考夫人皇祖考鉅數往來南頓見光武

鹿都尉

光武爲大司馬過鄖鄼況爲郡吏謁見光武

光武大喜曰乃今得我大舅乎因與俱北到

高邑以爲元氏令遷涿郡太守後爲常山關

長會赤眉攻關城況戰歿

霸縣屬常山郡今定州行唐縣西北

有故關邑城東觀記曰況遷涿郡太守時年八十不任兵馬上蹤乞身詔許之後詔問起居何如子歆對曰如故詔曰家人居不足贍且以一縣自養以況爲常山關長會赤眉攻關城況出戰死上甚哀之

父歆初以報仇逃亡

東觀記曰歆字臯受

有報父仇賊自出歆召因詣閭曰欲自受其辭旣入解械飲食更發遣竟棄官亡命逢赦出由是鄉里服其

高義與此不同後仕爲淮陽相終於汲令

東觀記曰歆爲相時王新歸國賓客放縱干闕法禁數將令尉入宮搜捕王自上歆坐左遷爲汲令卒官禹性篤厚節儉

東觀記曰禹好學習

令卒官榮惡父卒汲吏入贈送前後數百萬悉無所

受又以田宅推與伯父身自寄止永平八年

舉孝廉稍遷建初中拜揚州刺史當過江行

部中土民皆以江有子胥之神

難於濟涉霸

水經注曰吳王賜子胥死浮尸於江夫差悔與群臣臨江設祭修塘道及壇吳人因爲立廟而

祭焉禹將度吏固請不聽禹厲言曰子胥如

有靈知吾志在理察枉訟豈危我哉遂鼓楫

而過歷行郡邑深幽之處莫不畢到親錄囚

徒多所明舉吏民希見使者入懷喜悅怨德

羨惡莫不自歸焉元和二年轉充列刺史亦

有清平稱三年遷下邳相徐縣北界有蒲陽

坡

東觀記曰坡水廣二十里徑且百里在道西其東有田可萬頃坡堙與陂同

傍

多良田而堙廢莫修禹爲開水門通引灌漑
遂成熟田數百頃勸率吏民假與種糧親自
勉勞遂大收穀實鄰郡貧者歸之千餘戶室
廬相屬其居成市後歲至墾千餘頃民用溫

給

東觀記曰禹巡行守舍止大樹下食糒音
糒糗也乾飯屑飲水而已後年鄰國貧入

來歸之者茅屋草廬千餘戶屠酤成市墾田

千餘頃得穀百萬餘斛○劉攽曰注禹巡行

守舍止大樹下按文多一守字或云守當作常也

功曹史戴閔故太

尉掾也權勤郡內有小譖禹令自致徐獄然

後正其法

徐縣名也東觀記曰閔當從行縣

符責問閔具以實對禹以宰士惶恐首實令自致徐獄也

自長史以下莫

不震肅永元六年入爲大司農拜太尉和帝
甚禮之十五年南巡祠園廟禹以太尉兼衛

尉留守

東觀記曰禹留守北宮太官朝夕送

食賜闈登具物除子男盛爲郎也

聞車駕當進幸江陵以爲不宜冒險遠驛馬

上諫詔報曰祠謁既訖當南方禮大江會得君

奏臨漢回輿而旋及行還禹特蒙賞賜延平

元年遷爲太傅錄尚書事鄧太后以殤帝初

元年

育也

生

欲令重臣居禁內

乃詔禹舍宮中給

帷帳牀褥

太官朝夕

進食五日一歸府每朝

見特贊興三公絕席禹上言方諒闇寧靜之

時不宜依常有事於苑囿

鄭玄注論語曰諒

謂凶廬也尚書

日帝乃祖落四海遺密八音也

其廣成上林空地宜且以假

貧民太后從之及安帝即位數上疾乞身詔
遣小黃門問疾賜牛一頭酒十斛勸令就第
其錢布刀劍衣物前後累至永初元年以定
策功封安鄉侯食邑千二百戶與太尉徐防
司空尹勤同日俱封其秋以寇賊雨水策免
防勤而禹不自安上書乞骸骨更拜太尉四
年新野君病鄖太后母陰氏皇太后車駕幸其第禹
與司徒夏勤司空張敏俱上表言新野君不
安車駕連日宿止臣等誠竊惶懼臣聞王者

動設先置止則交戰清道而後行清室而後

御前書曰舊典天子行幸所至必遣靜離宮室令先按行清靜殿中以虞非常

不宿所以重宿衛也陛下體烝烝之至孝親省方藥恩情發中父處單外百官露正議者所不安宜且還宮上爲宗廟社稷下爲萬國子民比三上固爭乃還宮後連歲災荒府藏虛空禹上疏求入三歲租稅以助郡國稟假
假貸也詔許之五年以陰陽不和策免七年卒于家使者弔祭除小子曜爲郎中長子盛

嗣

徐防傳

徐防字謁卿沛國銓人也

銓故城今毫

州臨渙縣也

祖父

宣爲講學大夫以易教授王莽

王莽置六經

祭酒各一人

秩上卿長安國由爲講易祭酒宣

爲講學大夫蓋當屬於祭酒也

父憲亦傳

宣業防少習父祖學永平中舉孝廉除爲郎

防體貌矜嚴占對可觀顯宗異之特補尚書

即職典樞機周密畏慎奉事二帝未嘗有過

和帝時稍遷司隸校尉出爲魏郡太守永元

十年遷少府太司農防勤曉政事所在有迹
十四年拜司空防以五經久遠聖意難明宣

爲章句以悟後學上疏曰臣聞詩書禮樂定

自孔子發明章句始於子夏

史記孔子沒于夏侯勝居西河教弟子

子三百人爲魏文侯師

其後諸家分析各有異說

前書仲尼

没而微言絕七十子喪而大義乖故春秋爲五詩分爲四易有數家之傳漢承亂

秦經典廢絕本文略存或無章句收拾缺遺建立明經博徵儒術開置太學

武帝時開學官置博士第

子貢

孔聖旣遠微旨將絕故立博士十有四

家

漢宮儀日光武中興恢弘舊古易有施孟

梁丘賀京房書有歐陽和伯

夏侯勝建詩有申公轅固韓嬰春秋有嚴彭祖顏安樂禮

有戴德戴聖凡十四博士

太常差選有聰明城重一人爲祭酒總領綱紀也

設甲乙之科

前書曰歲課甲

中乙科二十人爲太子舍人

丙科四十人補文學掌故

以勉勸學者所

以示人好惡改敝就善者也

伏見太學試博士弟子皆以意說不修家法

諸經爲業各自名家私相

容隱開生姦路每有策試輒興諍訟論議紛

錯互相是非孔子稱述而不作

但述先聖之言不自制作

又曰吾猶及史之闕文

古者史官於書事有不知則闕以待能者

不知則闕以待能者

孔子言吾少時猶及見古史官之闕文今則無之疾時多穿鑿也見論語也疾史

有所不知而不肯闕也今不依章句妄生穿鑿以遵師爲非義意說爲得理輕侮道術寢

以成俗誠非詔書實選本意改薄從忠三代常道

太史公曰夏之政忠之敝小人以野故殷人承之以文文之敝小人以僥故周人承之以敬敬之敝小人以鬼故若以忠三王之道若循環周而復始僥音丙志又史記僥或作薄○劉放曰三世常道按世興代全則緣太宗諱遂更世爲代此合用代字乃誤爲世蓋後人知此書中世字率專皆換爲代乃稍欲還正之遂誤爲此字也

精務本儒學所先臣以爲博士及甲乙策試

宜從其家章句開五十難以試之解釋多者

爲上第引文明者爲高說若不依先師義有

相伐

謂自相攻伐也

皆正以爲非五經各取上第

六人論語不宜射策雖所失或久差可矯革

東觀記防上疏曰討論語本文章句但通度勿以射策冀令學者務本有所一心專精師門思核經意事得其實道得其真於此弘廣經術尊重聖業有益於化雖從來久大經衰微學問浸淺誠宜反本改矯其失

詔書下公卿皆從防言十

六年爲司徒延平元年遷太尉與太傅張禹參錄尚書事數受賞賜甚見優寵安帝即位

以定策封龍鄉侯食邑千一百户其年以策

異寇賊策免就國凡三公以災異策免始自

防也

東觀記曰郡國被水災比州涇沒死者以千數災異數降西羌反畔殺略人吏京師淫雨蟲蛇傷稼繙防比上書自陳過咎遂策免

防卒子衡當嗣讓

封於其弟崇數歲不得已乃出就爵云

張敏傳

張敏字伯達河間鄭人也

鄭今瀛州縣也音莫

建初二

年舉孝廉四遷五年爲尚書建初中有人侮

辱人父者而其子殺之肅宗貴其死刑而降

宥之

貫寬也音示夜反

自後因以爲比是時遂定其

議以爲輕侮法敏駁議曰夫輕侮之法先帝

一切之恩不有成科班之律令也夫死生之

決宜從上下猶天之四時有生有殺若開相

容恕著爲定法者則是故設姦萌生長罪隙

孔子曰民可使由之不可使知之

由從也言設政教可

但使人從之若知其末未愚者或輕而不行事見論語

春秋之義子不

報讎非子也

公羊傳曰父不受誅子復讎也可注云不受誅罪不當誅也

而法令不爲更減者以相殺之路不可開故

也今託義者得減妾殺者有差使執憲之吏
得設巧詐非所以導在醜不爭之義導教也醜類也
又輕侮之比寢以繁滋至有四五百科轉相
顧望彌復增甚難以垂之萬載臣聞師言救
文莫如賀故高帝去煩苛之法爲三章之約
建初詔書有改於古者可下三公廷尉蠲除
其敝議寢不省敏復上疏曰臣敏蒙恩特見
拔擢愚心所不曉迷意所不解誠不敢苟隨
衆議臣伏見孔子垂經典臯陶造法律史游急就

篇曰臯陶造獄法律存也原其本意皆欲禁民爲非也未
曉輕侮之法將以何禁必不能使不相輕侮
而更開相殺之路執憲之吏復容其姦枉議
者或曰平法刑當先論生臣愚以爲天地之性
唯人爲貴殺入者死三代通制今欲趣生反
開殺路一人不死天下受敝記曰利一害百
人去城郭夫春生秋殺天道之常春一物枯
即爲災禮記月令日孟春行夏令則秋雨則風雨不時草木早落也秋一物華生榮國乃有終也王者承
即爲異月令日仲秋行春令則秋雨不降草木生榮國乃有終也

胡廣傳

胡廣字伯始，南郡華容人也。華容縣故城，在今荊州東。六世祖剛清高，有志節。平帝時大司農馬宮辟之，值王莽居攝，剛解其衣冠，縣府門而去，遂亡命交趾，隱於屠肆之間。後莽敗，乃歸鄉里。父貢，交趾都尉。廣少孤貧，親執家苦。襄陽耆舊記：廣父名寵，寵妻生廣，早卒，寵更娶江陵黃氏生康，字仲始。長大隨輩入郡，爲散吏。太守法雄之子真從家來，省其父。真頗知人，會歲終應舉。雄敕真助求其才，雄因

約不煩用刑，平正有理能名坐事免。延平元年拜議郎，再遷潁川太守，徵拜司空。在位奉法而已，視事三歲以病乞身，不聽。六年春行大射禮，陪位頻仆，乃策罷之。東觀記載策曰：有司奏君年體衰羸，郊廟禮儀仍有曠廢，鼎足之任不可以缺，重以職事留君，其上司空印綬。因病篤卒于家。

大會諸吏真自於牘閒密占察之乃指廣以

白旌遂察孝廉旣到京師試以章奏安帝以

廣爲天下第一

謝承書曰廣有雅才學究五經古今術藝皆畢覽之年二十

十七舉孝廉續漢書曰故事孝廉高第三公尚書較優之特勞來其舉將於是公府下詔書勞來雖焉及拜郎格

勤職事所掌辨護也旬月拜尚書郎五遷

尚書僕射順帝欲立皇后而貴人有寵者四人莫知所建議欲探籌以神定選廣與尚書郭虔史敞上疏諫曰竊見詔書以立后事大謙不自專欲假之籌策決疑靈袖篇籍所記

祖宗典故未嘗有也恃神任筮旣不必當賢

就值其人猶非德選

詩云岐岐嶷形於自然

克岐

表

克嶷鄭玄注云岐岐然意有所知也其貌嶷然有所識別也

倪大音苦見反說文曰倪譬諭之詩云文王

言

嘉此倪大之妹文王聞太姒也賢則美之有女弟故求爲之配焉

宜參良家簡求有德

左傳

德同以年年鈞以貌稽之典經斷之聖慮

傳

曰昔先王之命曰王后無嫡則擇立長年鈞以德德鈞以卜也政令猶汗往而不反

易曰渢汙其大號王居無咎詔文一

劉向曰汙出而不反者也臣職在拾遺憂深責重是下形之四方形見

臣職在拾遺憂深責重是

以焦心冒昧陳聞帝從之以梁貴人良家子定立爲皇后時尚書令左雄議改察舉之制限年四十以上儒者試經學文吏試章奏廣復與敞處上書駁之曰臣聞君以兼覽博照爲德即明四目達四聰也臣以獻可替否爲忠左傳曰日君所謂可而有否焉臣獻其否以成其可君所謂否而有可焉臣獻其可以去其否也言有疑事嘗與新采者謀于芻蕘新采者也先人詢于芻蕘詩大雅曰先人有言詢于芻蕘注云詢謀也芻蕘新采者書載稽疑謀及卿士稽考也考正疑事謀及卿士見荀書詩美先人詢于芻蕘詩大雅曰先人有言詢于芻蕘注云詢謀也芻蕘新采者國有大政必議之於前訓

諮詢之於故老國語叔向曰國有大事必順於典刑而訪於耆老而後行之是以慮無失策舉無過事竊見尚書令左雄議郡舉孝廉皆限年四十以上諸生試章句文吏試牋奏周成雜字曰牋表也漢雜事曰一章二日奏三日表四日駁議章者需頭攝牋首上以聞謝恩陳事詣闕通者也奏者亦需頭其京師官但言牋首言下牋首以聞其中有所謂若罪法劾案公府送御史臺卿校送謁者臺也表者不需頭上言臣某言下言誠惶誠恐頓首頓首死罪死罪左方下附甲乙上明詔既許復令臣等得與相參竊惟王命之重載在篇典禮記曰動則左史書之言則右史書之尚

書曰王言惟作命弗言臣下周由稟令又日令出惟行不惟反當今縣於曰

月固於金石遺則百王施之萬世詩云天難

諶斯不易惟王可不愾與

詩大雅也諶信也

也天之貞難

信矣不可改易者天子也蓋選舉因才無拘定制六奇之

策不出經學

前書陳平設六

竒策以佐高祖

鄭阿之政非必

章奏

說苑曰子產相鄭內無國中之亂外無

晏子化東阿三年景公召而數之晏子請改

道易行明年上計景公迎而賀之晏子對曰

臣前之化東阿也屬託不行貨賂不至君反

以罪臣今則反是而更蒙賀景公下席而謝

廿奇顯用年亦彊仕

史記曰秦欲與燕共伐

趙以廣河間之地甘羅

年十二使於趙說趙王立割五城以廣河間
秦乃封羅爲上卿說苑曰子奇年十八齊君
使主東阿東阿大化終賈揚聲亦在弱冠前書
禮記曰四十彊而仕終軍年十八爲博士弟子自請願以長纓必
羈南越王而致之闕下上奇其對擢爲諫議
大夫往說越越聽命天子大悅賈誼年十八
以誦詩屬文稱於郡中文帝召爲博士漢
承周秦兼覽殷夏祖德師經參雜霸軌前書
舉之制莫或回革今以一臣之言刻戾舊章
曰漢家自有制度李宣
以霸王道雜理之聖主賢臣世以致理貢
刻削也便利未明衆心不獸獸服矯枉變常
戾乖也便利未明衆心不獸獸服矯枉變常
政之所重而不訪台司不謀卿士若事下之

後議者剥異異之則朝失其便同之則王言已行臣愚以爲可宣下百官參其同異然後覽擇勝否詳採厥衷敢以瞽言冒干天禁無目者也不察人君顏色而言如無目之人惟也孔子曰未見顏色而言謂之瞽干犯也惟陛下納焉帝不從特陳留郡缺職尚書史敞等薦廣曰臣聞德以旌賢旌明也書曰旌明也考旌德懋懋官也以建事能建立事則與之爵明試以功典謨所美明白考功者則授之以官舜典咎繇謨皆有此言故云典謨所美也五服謂天子諸侯卿大夫士之服也秩所祚五者之服必須章明尚書咎繇謨曰

天秩有禮自我五禮有庸哉天命有德五服五章哉秩序也是以臣竭其忠君豐其寵豐厚也舉不下失德下忘其死竊見尚書僕射胡廣體真履規謙虛溫雅博洽洽聞探赜窮理六經典奧舊章憲式無所不覽柔而不犯文而有禮柔而不犯謂性和柔而不可犯以非義也忠貞之性憂公如家不矜其能不伐其勞翼翼周慎行靡玷漏密勿夙夜審勿十有餘年心不外顧志不苟進臣等竊以爲廣在尚書劬勞日久後母年老旣蒙簡照宜試職千里匪

寧方國

詩云厥德不尚曰以受方國

陳留近郡今太守任缺

廣才略深茂堪能撥煩願以參選紀綱頽俗

使束脩守善有所勸仰廣典機事十年出爲濟陰太守以舉吏不實免復爲汝南太守入拜大司農漢安元年遷司徒賀帝崩李固爲太尉錄尚書事以定策立桓帝封潁陽安樂鄉侯以病遜位又拜司空告老致仕尋以特進徵拜太常遷太尉以日令免復爲太常拜太尉延熹二年大將軍梁冀誅廣與司徒

韓縡司空孫朗坐不衛宮皆減死一等奪爵土免爲庶人後拜太中大夫太常九年復拜司徒靈帝立與太傅陳蕃參錄尚書事復封故國以病自乞會蕃被誅代爲太傅總錄如故時年已八十而心力克壯盛弘之荊州記日菊水出穰縣芳菊被涯水極甘香谷中皆飲此水上壽百二十七八十者猶以爲大太尉胡廣所患風疾遂瘳年八十二薨也繼母在堂朝夕瞻省傍無几杖言不稱老禮記日夫爲人子者恒言不稱老及母卒居喪盡哀率禮無愆性溫柔謹素常遜

言恭色

遜順

達練事體明解朝章雖無謇直

之風屢有補闕之益故京師謠曰萬事不理

問伯始天下中庸有胡公

庸常也中和可常行之德也孔子曰

中庸之為德

及共季固定策大議不全

質帝崩固

其至矣乎爲太尉與廣

及司空趙戒議欲立清河王蒜梁冀以蒜年長有德恐為後患盛意立蠡吾侯志廣戒等懼憚不能與爭而固與杜喬堅守本議○劉放曰大議不全案文議當作義

熹平元年薨三十一年也六帝謂安順冲質桓靈也

又與中常侍丁肅婚姻以此譏毀於時自在公台三十餘年歷事六帝

廣以順帝漢安元年爲司空亡靈帝

禮任甚優每遜位

辭病及免退田里未嘗滿歲輒復升進凡一

履司空再作司徒三登太尉又爲太傅其所

辟命皆天下名士與故吏陳蕃季咸並爲三

司

謝承書曰咸字元卓汝南西平人孤特自立家貧母老常躬耕稼以奉養學魯詩春秋

秋公羊傳三禮三府並辟司徒胡廣茂才

除高密令政多奇異青州表其狀建寧三年

自大鴻臚拜太尉自在相位約身率下常食

脫粟飯醬菜而已不與別郡交浦刺史二千石牋記非公事不發首以老乞骸骨見許悉

還所賜物乘敝牛車使子男御晨發京師百

僚追送盈塗不能得見

家舊貧狹庵蔭草廬

蕃等每朝會輒稱疾

避廣時入榮之年八十二熹平元年薨使五

官中郎將持節奉策贈太傅安樂鄉侯印綬

給東園梓器謁者護喪賜冢塋于原陵謚文

恭侯拜家一人爲郎中故吏自公卿大夫博

士議郎以下數百人皆縗絰殯位自終及葬

漢興以來人臣之盛未嘗有也初楊雄依虞

箴作十二列二十五官箴

楊雄傳曰箴莫人於虞箴故遂作九

州箴左傳曰昔周辛甲之爲太史正命百官官箴王闕於虞人之箴曰芒芒禹迹畫爲九列經啓九道人有寢廟獸有茂草各有攸處德用不擾在帝堯夷冒于原獸忘其國而思其唐杜武不可重用不恢于其家獸臣司原教告僕夫其九箴亡闕後

涿郡崔駰及子瑗又臨邑侯劉駒驗增補十六篇廣復繼作四篇文甚典美乃悉撰次首目爲之解釋名曰百官箴凡四十八篇其餘所著詩賦銘頌箴弔及諸解詁凡二十二篇

熹平六年靈帝思感舊德乃圖畫廣及太尉

黃瓊於省內詔議郎蔡邕爲其頌云

謝承書載其頌

日巖巖山岳配天作輔降神有周生申及甫允矣漢室誕育二后曰胡曰黃方軒齊武惟道之淵惟德之敷股肱元首代作心膂天之秀人有則有類我胡我黃鍾履絕懿巍巍特進仍踐其位赫赫三事七佩其紋奔奔四壯沃若六轡袞職龍章其文有蔚參耀乾台窮

寵 櫸 貴 功 加 八 荒 群 生 以
遠 超 武 遷 乎 莫 爰 爲 二

論曰爵任之於人重矣全喪之於生大矣懷
祿以圖存者仕子之恒情審能而就列者出
身之常體也夫狃於物則非已直於志則
犯俗狃曲也辭其艱則乖義徇其節則失身徇
也統之方軌易因險塗難御統者總論上事
也方軌謂平路也若履平路易可因循如
踐險塗則難免顛覆也故昔人明慎於所
受之分遲遲於歧路之間也呈材效職則受
之分 明矣遲遲疑不前之貌也明其分則不可妄進○劉效
日注呈材效職按文呈當作程又則受之分

明矣當云則所受之分明矣如令志行無牽於物臨生不
先其存後世何貶焉守志直道視死如歸則後之入何從而貶責矣古人以宴安爲戒豈數公之謂乎左傳曰宴可儂也

贊曰鄧張作傳無咎無譽敏正疑律防議章
句胡公庸庸飾情恭貌朝章雖理據正或撓
撓曲也易曰棟撓凶也

卷三十四 王師道校正

袁張韓周列傳第三十五

范曄 後漢書四十五

袁安傳

子敞

玄孫闕

袁安字邵公汝南汝陽人也祖父良習孟氏
易孟喜字長卿東海人明易爲丞相掾見前書平帝時舉明經爲
太子舍人續漢志曰太子舍人秩比二百石無貟建武初至成
武令成武今曹州縣安少傳良學爲人嚴重有威見
敬於州里初爲縣功曹續漢志曰縣功曹史主罷署功劳奉
檄詣從事從事因安致書於令續漢志曰每州刺史皆有

從事

安曰公事目有郵驛私請則非功曹所

持辭不肯受從事懼然而止

懼音九
具反

後舉孝

廉

汝南先賢傳曰時大雪積地丈餘洛陽令自出案行見人家皆除雪出有乞食者至袁安門無有行路謂安已死令人除雪入戶見安僵卧問何以不出安曰大雪人皆餓不宜干人令以爲

賢舉爲孝廉也
州承縣西南任城今兗州縣也
陰平縣故城在今沂

三年楚王英謀

爲逆事下郡

覆考明年三府

舉安能理劇拜楚郡太守是時英辭所連及繫者數千人顯宗怒甚吏案之急迫痛自誣

死者甚衆安到郡不入府先往案獄理其無明驗者條上出之府丞掾史皆叩頭爭以爲阿附反虜法與同罪不可安曰如有不合太守自當坐之不以相及也遂分別具奏帝感悟即報許得出者四百餘家歲餘徵爲河南尹政號嚴明然未曾以臧罪鞠大常稱曰凡學仕者高則望宰相下則希牧守錮人於聖世尹所不忍爲也聞之者皆感激自勵在職十年京師肅然名重朝廷建初八年遷太僕

元和二年武威太守孟雲上書北虜既已和親而南部復往抄掠北單于謂漢欺之謀欲犯邊宜還其生口以安慰之詔百官議朝堂公卿皆言夷狄譖詐永歛無狀譖亦詐也既得生口當復妄自誇大不可開許安獨曰北虜遣使奉獻和親有得邊生口者輒以歸漢此明其畏威而非先違約也雲以大臣典邊不宜負信於戎狄還之足示中國優貸而使邊入得安誠便司徒桓虞改議從安太尉鄭弘司

空第五倫皆恨之弘因大言激勵虞曰諸言當還生口者皆爲不忠虜廷叱之倫及大鴻臚韋彪各作色變容司隸校尉舉奏安等皆上印綬謝肅宗詔報曰久議沉滯各有所志蓋事以議從策由衆定閭閻衍衍得禮之容閭閻忠正貌衍衍和樂貌寢嘿抑心更非朝廷之福君何尤而深謝其各冠履帝竟從安議明年代第五倫爲司空章和元年代桓虞爲司徒和帝即位竇太后臨朝后兄車騎將軍憲北擊匈

奴安與太尉宋由司空任隗及九卿詣朝堂上書諫以爲匈奴不犯邊塞而無故勞師遠涉損費國用徼功萬里非社稷之計書連上輒寢宋由懼遂不敢復署議而諸卿稍自引止唯安獨與任隗守正不移至免冠朝堂固爭者十上太后不聽衆皆爲之危懼安正色自若竇憲既出而弟衛尉萬執金吾景各專威權公於京師使客遮道奪人財物景又擅使乘驛施檄緣邊諸郡發突騎及善騎射有

才力者漁陽鴈門上谷三郡各遣吏將送詣景第有司畏憚莫敢言者安乃効景擅發邊兵驚惑吏人二千石不待符信而輒承景檄當伏顯誅又奏司隸校尉河南尹阿附貴戚無盡節之義續漢書曰安奏司隸鄭據河南尹蔡嵩請免官案請免官案罪竝寢不報憲景等日益橫盡樹其親黨賓客於名都大郡袁崧書曰河南尹王調漢陽太守朱敞南陽太守滿殷高丹等皆其實客前書曰十二萬戶爲大郡也皆賦斂吏人更相賂遺其餘列郡亦復望風從之安與任隗舉奏

諸二千石又它所連及貶秩免官者四十餘人竇氏大恨但安隗素行高亦未有以害之時竇憲復出屯武威明年北單于爲耿夔所破遁走烏孫塞北地空餘部不知所屬憲日矜已功欲結恩北虜乃上立降者左鹿蠡王阿佟徙冬反爲北單于置中郎將領護如南單于故事事下公卿議太尉宋由太常丁鴻光祿勳耿秉等十人議可許安與任隗奏以爲光武招懷南虜非謂可求安內地正以權時

之筭可得扞禦北狄故也今朔漠既定宜令南單于反其北庭并領降衆無緣復更立阿佟以增國費宗正劉方大司農尹睦同安議事奏未以時定安懼憲計遂行乃獨上封事曰臣聞功有難圖不可豫見事有易斷較然不疑伏惟光武皇帝本所以立南單于者欲安南定北之策也恩德甚備故匈奴遂分邊境無患孝明皇帝奉承先意不敢失墜赫然命將委伐塞北至乎章和之初降者十萬餘

人議者欲置之濱塞東至遼東濱邊也太尉宋

由光祿勲耿秉皆以爲失南單于心不可先

帝從之陛下奉承鴻業大開疆宇大將軍遠
師討伐席卷北庭此誠宣明祖宗崇立弘勲
者也宜審其終以成厥功伏念南單于屯先
父舉衆歸德自蒙恩以來四十餘年三帝績
累以遺陛下陛下深宜遵守先志成就其業
况屯首唱大謀空盡北虜輶而弗圖更立新
降以一朝之計違三世之規失信於所養建

立於無功由秉實知奮議而欲背棄先恩夫
言行君子之樞機易曰言語者君子之樞機樞機之發榮辱之主也賞罰理國之綱紀論語曰言忠信行篤敬雖
蠻貊行焉今若失信於一屯則百蠻不敢複
保誓矣又烏桓鮮卑新殺北單于凡人之情
咸畏仇讐今立其弟則二虜懷怨兵食可廢
信不可去論語孔子曰足食足兵人信之矣必不得已而去於斯二者何先日去兵日必不得已而去於斯二者何先日去食自古皆有死人無信不立且漢故
事供給南單于費直歲一億九十餘萬西域

歲七千四百八十萬今北庭彌遠其費過倍
是乃空盡天下而非建策之要也詔下其議
安又與憲更相難折憲險急負勢言辭驕訐
計謂發揚人之惡至詆毀安稱光武誅韓歆戴涉故
事安終不移大司徒歆坐非帝讀隴蜀書自殺大司徒涉坐殺太倉令下獄
死憲竟立匈奴降者右鹿蠡王於除鞬爲單
于鞬音九言反後遂反叛卒如安策安以天子幼
弱外戚擅權每朝會進見及與公卿言國家
事未嘗不噫鳴流涕噫音醫又乙曳反嗚音一故反歎傷之貌也

自天子及大臣皆恃賴之四年春薨朝廷痛
惜焉後數月竇氏敗帝始親萬機追思前議
者邪正之節乃除安子賞爲郎策免宋由以
尹睦爲太尉劉方爲司空睦河南人薨於位
方平原人後坐事免歸自殺初安父沒母使
安訪求葬地道逢三書生問安何之安爲言
其故生乃指一處云葬此地當世爲上公須
臾不見安異之於是遂葬其所占之地故累
世隆盛焉安子京敞最知名京字仲譽習孟

氏易作難記三十萬言初拜郎中稍遷侍中出爲蜀郡太守子彭字伯楚少傳父業歷廣漢南陽太守順帝初爲光祿勳行至清爲吏麤袍糲食終於議郎尚書胡廣等追表其有清潔之美比前朝貢禹第五倫貢禹元帝御史大夫經明行修清潔憂國也求蒙顯贈當時皆嗟歎之彭年湯字仲河少傳家學諸儒稱其節多歷顯位桓帝初爲司空以豫議定策封安國亭侯食邑五百戶累遷司徒太尉以灾異策免卒謚曰

康侯風俗通曰湯時年八十六有子十二人湯長子成左中郎早卒次子逢嗣逢字周陽以累世三公子寬厚篤信著稱於時靈帝立逢以太僕豫議增封三百戶後爲司空卒於執金吾朝廷以逢嘗爲三老特優禮之賜以珠畫特詔祕器前日董賢死以沙畫棺音義云以朱沙畫之也珠與朱同祕器棺也玉斂舍珠玉十六品貝王曰舍使五官中郎將持節奉策贈以車騎將軍印綬加號特進謚曰宣文侯子基嗣位至太僕逢弟隗少歷顯官次陽

先逢爲三公時中常侍袁赦隗之宗也用事於中以逢隗世宰相家推崇以爲外援故袁由貴寵於世富奢甚不與它公族同獻帝初隗爲太傅成子紹逢子術自有傳董卓忿紹術背已遂誅隗及術兄基等男女二十餘人敞字叔平少傳易經教授以父任爲太子舍人和帝時歷位將軍大夫侍中出爲東郡太守徵拜太僕光祿勳元初三年代劉愷爲司空明年坐子與尚書郎張俊交通漏洩省中

語策免敞廉勁不阿權貴失鄧氏旨遂自殺張俊者蜀郡人有才能兄龕竝爲尚書郎年少勵鋒氣郎朱濟丁盛立行不脩俊欲舉奏之二人聞恐因卽陳重雷義往請俊俊不聽因共私賂侍史使求俊短得其私書與敞子遂封上之皆下獄當死俊自獄中占獄吏上書百訟古口授也前書曰陳書奏吏是也謂奏報謂奏報論死也廷尉將出穀門臨行刑穀門洛陽城北面中鄧太后詔馳騎以減死論俊假名上書

謝曰臣孤恩負義自陷重刑情斷意訖無所復望廷尉鞠遣歐音一刀在前棺繁在後魂魄飛揚形容已枯陛下聖澤以臣嘗在近密謂為尚書郎識其狀貌傷其眼目留心曲慮特加偏覆喪車復還白骨更肉披棺發槨起見白日天地父母能生臣俊不能使臣俊當死復生陛下德過天地恩重父母誠非臣俊破碎骸骨舉宗腐爛所報萬一臣俊徒也不得上書不勝去死就生驚喜踊躍觸冒拜章當時

皆哀其文朝廷由此薄敞罪而隱其死以三公禮葬之復其官子盱况于盱後至光祿勲時大將軍梁冀擅朝內外莫不阿附唯盱與廷尉鄒酈義正身自守及桓帝誅冀使盱持節收其印綬事已具梁冀傳

閔字夏甫彭之孫也少勸操行苦身脩節父賀爲彭城相風俗通曰賀字元服相父京爲侍中安帝始加元服百僚會賀臨莊垂出而絲迺生喜其嘉會因名字焉閔往省謁變名姓徒行無旅既至府門連日吏不爲通會阿母出見

閥驚

謝承舊日乳母從內出見在門側面貌省瘦爲其垂泣闊厚丁寧此間不知吾

慎勿宣露也

入白夫人乃密呼見旣而辭去賀遣

輿送之閥稱眩疾不肯乘反郡界無知者及賀至郡閥兄弟迎喪不受贈縗絰扶柩冒犯寒露體貌枯毀手足血流見者莫不傷之服闋累徵聘舉召皆不應居處側陋以耕學爲業從父逢愧竝貴盛數饋之無所受閥見時方險亂而家門富盛常對兄弟歎曰吾先公福祚後世不能以德守之而競爲驕奢與

亂世爭權此即晉之三郤矣

三郤謂郤鍇郤犨郤至皆晉卿

也各驕奢爲厲公

延熹末黨事將作閥遂散

髮絕世欲投迹深林以母老不宜遠遁乃築

土室四周於庭不爲戶自牖納飲食而已旦

於室中東向拜母母思閥時徃就視母去便

自掩閉兄弟妻子莫得見也及母歿不爲制

服設位時莫能名或以爲狂生潛身十八年

黃巾賊起攻沒郡縣百姓驚散閥誦經不移

賊相約語不入其閥鄉人就閥避難皆得全

免年五十七卒於土室

汝南先賢傳曰閑臨卒敕其子日勿設賓

棺但著禪衫疏布單衣幅巾親尸於板牀之上以五百擊爲藏

二弟忠弘節

操皆亞於閑忠字正甫與同郡范滂爲友俱

證黨事得釋語在滂傳初平中爲沛相

沛王琮相

也琮光武代孫也乘輦車到官以清亮稱及天下大亂忠棄官客會稽上虞

縣名城在今越州餘姚縣西

一見

太守王朗徒從整飾心嫌之遂稱病自絕

王朗字景興肅之父也魏志有傳謝承書曰忠乘船載笠蓋詣朗見朗左右僅從皆著青絳采衣非其奢麗即辭疾發而退也

後孫策破會稽忠等浮海南

投交趾獻帝都許徵爲衛尉未到卒弘字邵

甫恥其門族貴勢乃變姓名徒步

師門從師

不應徵辟終於家

謝承書曰弘嘗入京師太學其從父逢爲太尉呼弘

與相見遇逢宴會作樂弘伏櫈頭痛不聽

音聲而退遂不復往紹術兄弟亦不與通

忠

子祕爲郡門下議生黃巾起祕從太守趙謙

擊之軍敗祕與功曹封觀等七人以身扞刃

皆死於陳謙以得免

詔祕等門閭號曰七賢

謝承書曰祕字永寧封觀與主簿陳端門下督范仲禮賊曹劉偉德主記史丁子嗣詳室史張仲然議生袁祕等七人擢刃突陳端戰並死也封觀者有志節當

舉孝廉以兄名位未顯恥先受之遂稱風疾
喑不能言次起觀屋徐出避之忍而不告後
數年兄得舉觀乃稱損而仕郡焉

謝承書曰觀字孝起

南頓人也

論白陳平多陰謀而知其後必廢

丞相陳平爲高祖謀

臣出六奇歎日我多陰謀道家之所禁吾世即廢以吾多陰謀禍也其後曾孫掌以衛氏親戚貴達願得續封而終不得也

邴吉有陰德夏侯勝識其

當封及子孫

武帝末戾太子巫蠱事起邴吉為廷尉監時宣帝年一歲坐太子事繫望氣者言戾安獄中有天子氣於是

上遣使者分條中都官詔獄繫者亡輕重一

切皆殺之內者令郭穰至郡郎獄吉閉門扞拒曰它人無辜猶不可況親曾孫乎穰不得入還以聞上曰天使之也因大赦天下曾孫賴吉得立宣帝立吉爲丞相未及封而病上憂吉不起夏侯勝曰此未死也臣聞有陰德者必報其樂以及子孫後吉病愈封博陽侯薨子顯嗣甘露中削爵爲輔內侯至孫昌復封博陽侯傳子至孫王莽敗乃絕○劉政曰注曾孫賴吉得立

案前書立當作全終陳掌不侯而邴昌紹國

雖有不類未可致詰其大致歸然矣袁公竇

氏之閒乃情帝室

人情猶竭情也

引義雅正可謂王

臣之烈易日王臣蹇蹇匪躬之故烈業也

及其理楚獄未嘗

鞫人於臧罪其仁心足以覃乎後昆

爾惟日覃延也

子孫之盛不亦宜乎

此論竝華嶠之詞也

張酺傳

張酺字孟侯汝南細陽人趙王張敖之後也

敖父耳自楚降漢高祖封爲趙敖子壽封細陽

王敖嗣後有罪廢爲宣平侯

敖子壽封細

陽之池陽鄉後廢因家焉酺少從祖父充受尚書能傳其業

東觀記曰充與光武同內學光武即位求問充充已死

又事太常桓榮勤力不怠聚徒以百數永平九年顯宗爲四姓小侯開學於南宮

小侯解見明紀

置五經師酺以尚書教授數講於御前以

論難當意除爲郎賜車馬衣裳遂令入授皇

太子酺爲入質直守經義每侍講閒隙數有

匡正之辭以嚴見憚

東觀記曰太子家時奢侈物未嘗不正諫甚

見重及肅宗即位擢酺爲侍中虎賁中郎將

數月出爲東郡太守酺自以嘗經親近未悟

見出意不自得

悟曉

上疏辭曰臣愚以經術

給事左右少不更職不曉文法猥端剖符典

郡班政千里必有負恩辱位之咎臣竊私自

分殊不慮出城闕異蒙留恩託備冗官群僚

所不安耳目所聞見不敢避好醜詔報曰經

云身雖在外乃心不離王室

尚書東王之誥
日辭爾身在外

乃心罔不在王室也

典城臨

民益所以報效也

好醜必

上不在遠近

好醜謂善惡也言事之善惡必以聞上此申報效豈拘外內也

今賜裝三十萬其亟之官

酺雖儒者而性剛

斷下車擢用義勇搏擊豪強長吏有殺盜徒

者酺輒案之以爲令長受臧猶不至死盜徒

皆飢寒備保何足窮其法卒郡吏王青者

謝書曰青字公然東都聊城人也

祖文翁與前太守翟義起兵

遂燔燒之父隆建武初爲都尉功曹青爲小

史與父俱從都尉行縣道遇賊隆以身衛全

都尉遂死於難青亦被矢貫咽音聲流喝

或作嘶喝音一介反廣蒼曰聲之幽也

前郡守以青身有金夷竟

不能舉

夷傷也酺見之歎息曰豈有一門忠義

而爵賞不及乎遂擢用極右曹

漢官儀日督郵功曹郡之

仲乃上疏薦青三世死節宜蒙顯異奏下

公由此爲司空所辟

東觀記曰青從此除步兵司馬酺傷青不遂復

舉其子

孝廉也

自酺出

後帝每見諸王師傅嘗言張

酺前入侍講屢有諫止

闇闇惻惻出於誠心

可謂有史魚之風矣

闇闇忠正也惻惻懇切子魚孔子曰直哉史魚邦有道如矢邦無道如矢也

元和二年東巡狩

幸東郡引酺及門生并郡縣掾史並會庭中

帝先備弟子之儀使酺講尚書一篇然後脩

君臣之禮

東觀記曰時使尚書令王鮑興酺相難上甚欣悅

賞賜殊特莫不沾洽酺視事十五年和帝初遷魏郡

太守郡人鄭據時爲司隸校尉奏免執金吾

竇景景後復位遣據夏猛私謝酺曰鄭據小

入爲所侵寃聞其兒爲吏放縱狼籍取是曹

予一人足以驚百酺大怒即收猛繫獄檄言

執金吾府疑猛與據子不平矯稱辟意以報

私雖會有贖罪令猛乃得出

東觀記日據字平鄉黎陽人也

復擊傷市卒吏捕得之景怒遣緹騎侯海等

五百人歐傷市丞

說文日緹帛丹黃色也漢官儀日執金吾有緹騎

酺部吏楊章等窮究正海罪徙朔方景忿怨

乃移書辟章等六人爲執金吾吏欲因報之
章等惶恐入白酺願自引臧罪以辭景命酺
即上言其狀竇太后詔報自今執金吾辟吏
皆勿遣及竇氏敗酺乃上疏曰臣竇愚憲不
反大體鄭玄注周禮云春愚以爲竇氏雖伏
癡駢也憲音陟降反以爲竇氏雖伏
厥辜而罪刑未著後世不見其事但聞其誅
非所以垂示國典賜之將來宜下理官與天
下平之平之謂平謂其罪也方憲禁寵貴群臣阿附唯
恐不及皆言憲受顧命之託懷伊呂之忠終

之命日顧命至乃復比鄧夫人於文母臣賢按鄧
侯鄧疊母元也元出入宮掖共竇憲女胥郭
舉父子同謀殺害與竇氏同誅語在憲傳故
張酺論憲兼及其黨稱鄧夫人者猶如前書
霍光妻稱霍顯祁太伯母號祁夫人之類也
文母文土之妻也詩曰既有烈考亦有文母
死不復顧其前後考折厥衷臣伏見夏陽侯
瓌每存忠善前與臣言常有盡節之心檢敕
賓客未嘗犯法臣聞王政骨肉之刑有三宥
之義過薄禮記曰公族有罪獄成有
辟公曰宥之有司又曰在大辟公又曰宥之
有司又曰在大辟公又曰宥之及三宥不對

走出致刑于甸人。公又使人追之曰：雖然必宥之，有司日無及也。反命於公。公素服如其倫之喪也。○劉攽曰：案今禮記文注多下公。又曰：宥之五字。今議者爲瓊。

在公位而父常居田里。酺每有遷職輒一詣。

朝廷望公思惟得失，與國同心而託病自繫，求去重任。誰當與吾同憂責者？非有望於斷金也。空張斷金解在皇后紀

司徒固疾，司空年老。時司徒劉方司空奮也。公其偃儻，勿露所敕。偃儻言恭敬從命而僂用命而酬惶恐詣闕謝還復視事。酺雖偃三命而俯，酬惶恐詣闕謝還復視事。酺雖在公位而父常居田里。酺每有遷職輒一詣京師，嘗來候酺適會歲節。公卿罷朝俱詣酺府，奉酒上壽，極歡卒日。衆人皆慶羨之。及父卒，既葬，詔遣使齎牛酒爲釋服，後以事與司

選嚴能相忍。其迫切必不完免，宜裁加貸宥，以崇厚德。和帝感酺言，徙瓊封就國而已。永元五年遷酺爲太僕，數月代尹睦爲太尉。漢儀日睦字伯師河東輩人也。數上疏以疾乞身，薦魏郡太守徐防自代。帝不許，使中黃門問病，加以珍羞，賜錢三十萬。酺遂稱篤，時子蕃以郎侍講帝因令小黃門敕蕃曰：陰陽不和，萬人失所。

隸校尉晏稱會於朝堂。酺從容謂稱曰：「三府辟吏，多非其人。稱歸，即奏令三府各實其掾史。」酺本以私言，不意稱奏之，甚懷恨。會復共謝闕下。酺因責讓於稱，稱辭語不順。酺怒，遂廷叱之，稱乃劾奏。酺有怨言：「天子以酺先帝師。」有詔公卿博士朝臣會議。司徒呂蓋奏：「酺位居三司，知公門有儀，不屏氣鞠躬，以須詔命，反作色大言，怨讓使臣，不可以示四遠。」司司徒呂蓋奏：「校尉督大薦猾無所，所不察故日使臣也。」於是策免。酺歸里舍謝。

遺諸生閉門不通賓客。左中郎將何敞及言事者多訟酺。公忠帝亦雅重之。十五年復拜爲光祿勳數月，代曾恭爲司徒。月餘薨，乘輿縗素，臨弔賜冢塋地，贈恩寵異於它相。酺病，臨危敕其子曰：「顯節陵埽地露祭，欲率天下以儉。」顯節明帝陵也。明帝遺詔無起寢廟，故言埽地而祭也。故酺遵奉之。吾吾爲三公既不能宣揚王化，令吏人從制，豈可不務節約乎？其無起祠堂，可作橐蓋廡施焉。其下而已。廡屋也。曾孫濟好儒學，華嶠書曰：蕃生磐、磐、生濟。

齊

字元江靈帝初楊賜薦濟明習典訓爲侍講

光和中至司空病罷

及卒靈帝以舊恩贈車騎將軍關內侯印綬

其年追濟侍講有勞封子根爲蔡陽鄉侯濟

弟喜初平中爲司空

韓棱傳

韓棱字伯師潁川舞陽人弓高侯頽當之後

也頽當韓王信之子見前書

世爲鄉里著姓父尋建武中

爲隴西太守棱四歲而孤養母弟以孝友稱

及壯推先父餘財數百萬與從昆弟鄉里益

高之初爲郡功曹太守葛興中風病不能聽政棱陰代興視事出入二年今無違者興子嘗發教欲署吏棱拒執不從因令怨者章之謂令上章告言之事下案驗吏以棱掩蔽興病專典

郡職遂致禁錮顯宗知其忠後詔特原之由

是徵辟五遷爲尚書令與僕射郅壽尚書陳

寵同時俱以才能稱肅宗嘗賜諸尚書劔唯

此三人特以寶劔自手署其名曰韓棱楚龍

淵晋太康記曰汝南平縣有龍泉水可淬刀劍特堅利汝南即楚分野郅壽

椎音直追反漢時論椎成官椎成作假成

時論

者爲之說以棱淵深有謀故得龍淵壽明達有文章故得漢文寵敦朴善不見外故得椎成和帝即位侍中竇憲使入刺殺齊殤王子都鄉侯暢於上東門有司畏憲咸委疑於暢兄宗詔遣侍御史之齊案其事棱上疏以爲賊在京師不宜捨近問遠恐爲姦臣所笑竇太后怒以切責稜稜固執其議及事發果如所言憲惶恐白太后求出擊北匈奴以贖罪

棱復上疏諫太后不從及憲有功還爲大將軍威震天下復出屯武威會帝西祠園陵詔憲與車駕會長安及憲至尚書以下議欲拜之伏稱萬歲棱正色曰夫上交不誦下交不贖易下贖之辭也禮無入臣稱萬歲之制議者皆慙而止尚書左丞王龍私奏記上牛酒於憲棱舉奏龍論爲城旦前書音義曰城旦輕刑之名也書日司寇虜夜暮築日城旦棱在朝數薦舉良吏應順呂章周紓等皆有名當時及竇氏敗棱典案其事深竟

黨與數月不休沐帝以爲憂國忘家賜布三百匹遷南陽太守特聽稜得過家上冢鄉里以爲榮稜發擿姦盜郡中震懼政號嚴平數歲徵入爲太僕九年冬代張奮爲司空明年薨子輔安帝時至趙相商之相也稜孫演順帝時爲丹陽太守政有能名桓帝時爲司徒演字伯南大將軍梁冀被誅演坐阿黨抵罪以減死論遣歸本郡華嶠書曰梁皇崩梁貴人寵謀冒姓烏貴人父演陰許諸及冀誅事發演坐抵罪也後復徵拜司隸

校尉

周榮傳

孫景

周榮字平孫廬江舒人也肅宗時舉明經辟司徒袁安府安數與論議甚器之及安舉奏竇景及與竇憲爭立北單于事文多一及字皆榮所具草竇氏客太尉掾徐齧深惡之齧榮曰子爲袁公腹心之謀排奏竇氏竇氏悍士刺客滿城中謹備之矣榮曰榮江淮孤生蒙先帝大恩以歷寧二城今復得備宰士榮

司徒府故

縱爲竇氏所害誠所甘心故常敕

稱宰士

縱爲竇氏所害誠所甘心故常敕

妻子若卒

遇飛禍無得殯斂

飛禍言倉卒而死也

冀以

區區腐身覺悟朝廷及竇氏敗榮由

此顯名

自郎令擢爲尚書令出爲潁川太守坐法當

下獄和帝思榮忠節左轉共令

共縣名屬河東即古共國也

歲餘復以爲山陽太守所歷

郡縣皆見稱紀以老病乞身卒于家詔特賜

錢二十萬除子男興爲郎中興少有名譽求

寧中尚書陳忠上疏薦興曰臣伏惟古者帝

王有所號令言必弘雅辭必溫麗垂於後世

列於典經故仲尼嘉

唐虞之文章從周室之

郁郁

論語孔子曰大哉堯之爲君也煥乎其

有文章又曰周監於二代郁郁乎文哉

吾從周

臣竊見光祿郎周興

光祿主郎故

孝友

之行著於閨門清厲之志聞於州里蘊匱古

今博物多聞

蘊藏也匱匱也

三墳之篇五典之策無

所不覽

伏羲神農黃帝之書日三墳少昊屬

顓頊高辛唐虞之書日五典也

屬

文著辭有可觀採尚書出納帝命爲王喉舌

尚書爲王之喉舌官也李固對策日今陛下

有尚書猶天之有北斗也比斗爲天之喉舌

比斗爲天之喉舌

尚書亦爲陞

下之喉舌也

臣等既愚闇而諸郎多文俗吏

鮮有雅才每爲詔文宣示內外轉相求請或

以不能而專已自由辭多鄙固與拘竒懷能

隨輩栖遲誠可歎惜詔乃拜興爲尚書郎卒

興子景

景字仲饗辟大將軍梁冀府稍遷豫州刺史河內太守好賢愛士其拔才薦善常恐不及每至歲時延請舉吏入上後堂與共宴會如此數四乃遣之贈送什物無不充備既而選

其父兄子弟事相優異嘗稱曰臣子同貫若之何不厚先是司徒韓演在河內志在無私舉吏當行一辭而已恩亦不及其家曰我舉若可矣豈可令徧積一門故當時論者議此二人景後徵入爲將作大匠及梁冀誅景以故吏免官禁錮朝廷以景素著忠正頃之復引拜尚書令蔡質漢儀曰延熹中京師游俠長追捕不得周景以尺一詔召司隸校尉左諭詣臺對詰雄伏於廷答對景使虎賁左駿頤頭血出覆面與三日期賊便擒也遷太僕衛尉六年代劉寵

爲司空。是時宦官任人及子弟充塞列位。景

初視事與太尉楊秉舉奏諸姦猾自將軍牧

守以下免者五十餘人遂連及中常侍防東

陽侯侯覽。

劉放曰案覽本侯覽防東人封高鄉侯今此載其侯爵即當云高

鄉侯若載其本縣名則非例也蓋誤二高鄉字

東武陽侯具瑗皆坐

黜朝廷莫不稱之

視事二年以地震策免歲

餘復代陳蕃爲太尉建寧元年薨

以豫議定策立靈帝追封安陽鄉侯長子崇嗣至甘陵

甘陵王理相也

中子忠少歷列位累遷大

相

甘陵王理相也

即章帝曾孫

司農

吳書曰忠字嘉謀與朱儕共敗李傕於曹陽也

忠子暉前爲洛

陽今去官賜歸

兄弟好賓客雄江淮間出入

從車常百餘乘及帝崩暉聞京師不安來俟

忠董卓聞而惡之使兵劫殺其兄弟忠後代

皇甫嵩爲太尉錄尚書事以灾異免復爲衛

尉從獻帝東歸洛陽

贊曰袁公持重誠單所奉

單盡也惟德不忘延

世承寵孟侯經博侍言帝慎棟榮襄君志同

鷗雀

左傳曰見無禮於其君者誅之如鷗鷺之逐鳥雀也

表張韓周列傳第三十五

御漢傳世五

郭陳列傳第三十六

范曄 後漢書四十六

郭躬傳

弟子鎮

郭躬字仲孫，潁川陽翟人也。家世衣冠，父弘

習小杜律。

前書杜周武帝時爲廷尉御史大

夫，斷獄深刻少子，延年亦明法律。

宣帝時又爲御史大夫，對父故言小

太守寇恂以弘爲決曹掾。

斷獄三十年，用法平，諸爲弘所決者退無

怨情。郡內比之東海。

于公年九十五卒。

于公東倫

人丞相于定國父也，爲郡決曹，決獄平羅文法者于公所決，皆不恨見前書也。

躬少

傳父業講授徒衆常數百人後爲郡吏辟公
府宋平中奉車都尉竇固出擊匈奴騎都尉
秦彭爲副彭在別屯而輒以法斬人固奏責
專擅請誅之顯宗乃引公卿朝臣平其罪科
躬以明法律召入議議者皆然固奏躬獨曰
於法彭得斬之帝曰軍征校尉一統於督督謂大將
將彭既無斧鉞可得專殺乎躬對曰一統
於督者謂在部曲也前書音義曰大將軍行有五部部有曲也今
彭專軍別將有異於此兵事呼吸不容先閑

督帥且漢制棨戟即爲斧鉞於法不合罪有衣
之戰日檠帝從躬議又有兄弟共殺人者而罪未
有所歸帝以兄不訓弟故報兄重而減弟死
中常侍孫章宣詔誤言兩報今多尚書奏章矯
削罪當腰斬帝復召躬問之躬對章應罰金
帝曰章矯詔殺人何謂罰金躬曰法令有故
誤章傳命之謬於事爲誤誤者其文則輕帝
曰章與囚同縣疑其故也躬曰周道如砥其
直如矢詩小雅也如砥貞賦平如矢賞罰平君子不逆詐論語

之言君主法天刑不可以委曲生意帝曰善廷

躬廷尉正坐法免後三迁元和三年拜爲廷

尉躬家世掌法務在寬平及典理官決獄斷

刑多依矜恕乃條諸重文可從輕者四十一

事奏之事皆施行著于令章和元年赦天下繫囚在四月丙子以前減死罪一等勿笞詣金城而文不及亡命未發覺者躬上封事曰聖恩所以減死罪使戍邊者重入命也今死罪亡命無慮萬人

廣雅曰無慮都凡也又自赦以來捕

得甚衆而詔令不及皆當重論伏惟天恩莫不蕩宥死罪已下並蒙更生而亡命捕得獨不沾澤臣以爲赦前犯死罪而繫在赦後者可皆勿笞詣金城以全人命有益於邊肅宗善之即下詔赦焉躬奏讞法科多所生全求元六年卒官中子脢亦明法律質至南陽太守政有名迹弟子鎮

鎮字桓鍾少脩家業辟太尉府再遷延光中爲尚書及中黃門孫程誅中常侍江京等而

見後正解

立齊陰王鎮率羽林士擊殺衛尉閻景以成大功事在宦者傳再遷尚書今太傅三公矣。鎮冒犯白刃爭劔賊臣姦黨殄滅宗廟以寧功比劉章章齊王肥子也高帝孫誅諸呂有功封朱虛侯也宜顯爵

土以勵忠貞乃封鎮爲定頴侯食邑二千戶拜河南尹轉廷尉免永建四年卒於家詔賜冢塋地長子賀當嗣爵讓與小弟時而逃去績數年詔大鴻臚下州郡追之賀不得已出受封累迂復至廷尉及賀卒順帝追思鎮

功下詔賜鎮謚曰昭武侯賀曰成侯賀弟禎亦以能法律至廷尉鎮弟子傳許其少明習家業兼好儒學有名譽延熹中亦爲廷尉建寧五年代劉寵爲太尉禧子鴻至司隸校尉封城安鄉侯郭氏自弘後數世皆傳法律子孫至公者一人廷尉七人侯者三人刺史二千石侍中郎將者二十餘人侍御史正監平菴惠衆順帝時廷尉河南異雄李高以明法律斷獄平起自孤宦致位司徒雄少時家貧

喪母營人所不封土者擇葬其中喪事趣辦

不葬時日醫巫皆言當族滅而雄不顧

日

按卜葬何閔醫事明衍

及子訴孫恭三世廷尉爲法名

家

名家明

初肅宗時司隸校尉下邳趙興亦

不葬

諱忌也

每入官舍輒更繕修館宇移

穿改築故犯妖禁而家人爵祿益用豐熾

官

至穎川太守子峻太傅以才器稱孫安世曾

相三葉皆爲司隸時稱其盛桓帝時汝南荀

陳伯敬者行必矩步坐必端膝呵叱狗馬終

不言死自有所見不食其肉行路聞凶便解

駕留止還觸歸忌則寄宿鄉亭

陰陽書歷法日歸忌日四

孟在丑四仲在寅四季在子

其日不可遠行歸家及徙也年老寢滯不過

舉琴廉後坐安堵亡吏太守邵夔怒而殺之

特人罔忌禁者多談爲證焉

罔無也

論曰曾子云上失其道民散久矣如得其情

則哀矜而勿喜

言人離散犯法乃自上之所爲非下之過當哀矜之勿以

得下爲喜也見論語也

夫不喜於得情則恕心用恕心

用則可寄枉直矣夫賢人君子斷獄其必主

於此乎。郭躬起自祐史小大之獄必察焉。傳左
曰：「小大之獄雖不若案必以情。」原其平刑審斷，庶於勿喜者乎？若乃推已以議物，捨狀以貪情，秦彭孫章已亡，命得減爲貪，不死焉。推情也，貪與探同也。法家之能慶延于世，蓋由此也。

陳寵傳 子忠

陳寵字昭公，沛國洨人也。洨縣名，故城在今泗州虹縣西南。
音尸曾祖父咸成哀閒，以律令爲尚書。平帝交反時，王莽輔政，多改漢制。咸心非之，及莽因

寬事誅，不附已者，何武、鮑宣等。平帝時王莽輔政，隔絲平帝外家不得至京師。莽子宇恐帝長大後見憲教帝舅衛寶令帝母上書求入莽不許。宇與婦兄呂寬謀以爲莽不可說而好鬼神，乃夜以血灑莽第門以驚懼之事，覺並誅死。何武爲前將軍，王莽先從武來舉，武不敢鮑宣不附已者，武與宣坐見誣中皆被誅。並見前書。咸乃歎曰：「易稱君子見幾而作，不俟終日。吾可以逝矣。」幾者事之先見者，微吉凶之逝往也。即乞骸骨去職，及莽篡位，召咸以爲掌寇大夫。謝病不肯應。時三子參、豐、欽皆在位，乃悉令解官。父子相與歸鄉里，閉門不出。

入猶用漢家祖臘

應劭風俗通曰共工之子好遠遊死爲祖神漢家火行盛於午故以午日爲祖也臘者歲終祭衆

漢火行衰於戌故臘接也新故交接故大祭以報功也

故臘用戌日也

入問其故咸曰我先人豈知

王氏臘乎其後叢復徵咸遂稱病篤於是乃收歛其家律今書文皆壁藏之咸性仁恕常戒子孫曰爲久議法當依於輕雖有百金之利慎無與入重比建武初欽子躬爲廷尉左監早卒躬生寵明習家業少爲列郡吏辟司徒鮑昱府是時三府掾屬專尚交遊以不肯

視事爲高寵常非之獨勤心物務數爲昱陳當世便宜昱高其能轉爲辭曹掌天下獄訟

續漢志曰三公掾屬二十人有辭曹主訟事也

其所平決無不厭

服衆心時司徒辭訟久者數十年事類溷錯

躬爲輕重不良吏得生因緣

因緣謂依附以生輕重也

寵

從昱奏上之其後公府奉以爲法三迁肅宗

初爲尚書是時承永平故事吏政尚嚴切尚

書決事率近於重寵以帝新即位宜改前世

奇俗乃上疏曰臣聞先王之政賞不懼刑不
懼與其不得已寧僭不濫事見左傳晉大夫聲子辭也皆過也古唐
堯著典眚灾肆赦尚書舜典之辭也言過誤有害當緩也周公作戒勿誤庶獄尚書立政之辭也言文子文孫從今以往惟此正道伯夷之典惟敬五刑以成
三德三德剛柔正直尚書呂刑曰伯夷降由典折民惟刑惟敬五刑以成三德也此言之聖賢之政以刑罰爲首往者斷獄嚴
明所以威懲姦慝姦慝既平必宜濟之以寬
濟濟音也陛下即位率由此義數詔群僚弘崇晏

晏晏晏溫和也尚書考靈而有司執事未悉
奉承典刑用法猶尚深刻斷獄者急於箒格
酷烈之痛箒即榜也古字通用聲類執憲者
煩於詆欺放濫之文或因公行私逞縱威福
夫爲政猶張琴瑟太絃急者小絃絕故子貢
非臧孫之猛法而美鄧喬之仁政臧孫魯大
子貢非之日夫政猶張琴瑟也大絃急則小
絃絶矣故日罰得則姦邪止賞得則下觀
子之賊心見矣獨不聞子產之相鄭乎推賢
舉能抑惡揚善有大略者下問其短有厚德
者不非小疵家給人足囹圄空虛子產卒國
人皆叩心流涕三月不聞竽琴之音其生也

見愛死也。可悲故日德莫大於仁，禍莫大於
刻今子病而入賀子愈而入相懼曰嗟乎何
命之不善子又不死滅孫慙詩云不剛不柔

而避位然身不出見新序

詩云不剛不柔

布政優優

優也

方今聖德充塞假于上下

二假

也音格上也下天地也宜隆

先主之道

湯滌煩苛之法輕

薄苦楚以濟群生全廣至德以奉天心

帝敬

納寵言每事務於寬厚其後遂詔有司絕鉛

鑽諸慘酷之科

蒼頡篇曰鉛持也

說文曰鉛鐵鍬也其炎反鍬音陟葉反

鑽膾刑謂鑽去其膾骨也鑽音作喚反

死刑也

解妖惡之禁除文致之

請讞五十餘事定著于令

二文致謂前人無罪

謂令月令也芻勤也

是後入俗和平屢有嘉瑞漢舊事斷獄報重

常盡三冬之月

報論也重死刑也

是時帝始改用冬

初十月而已元和二年旱

旱長水校尉賈宗等

上言以爲斷獄不盡三冬故陰氣微弱陽氣

發泄招致灾旱事在於此帝以其言下公卿

議寵奏曰夫冬至之節陽氣始萌故十一月

有蘭射干芸荔之應

易通卦驗曰十一月廣莫風至則蘭夜干生月

令仲冬日短至陰陽爭諸生蕩蕪始生

高挺出射音夜即今之烏扇也芸荔草荔馬蘿

時令曰諸生蕩安形體仲冬一暢爻生草木

皆欲萌動也

禮記月令仲冬

天

以爲正周以

諸生蕩君子齋戒安神性也天以爲正周以爲歲正春皆始也十一月萬物微而

爲春

未著天以爲正而周以爲歲首

十二月

陽氣上通雉雊雞乳地以爲正殷以爲春

二月二陽爻生鴈北鄉陽氣上通諸生皆動始

萌牙地以爲正殷以爲歲首也月令季冬雉

乳也

十三月陽氣已至天地已交萬物皆出

蟄蟲始振入以爲正夏以爲春十三月今正故日人以爲正夏以爲歲首也月令孟春天氣下降地氣上騰天地和同草木萌動東風解凍蟄蟲始振也三微成著以通三統統者統一歲之事王者三正遞用周環無窮故日通三統三禮義宗曰三

微三正也言十一月陽氣始施萬物動於黃泉之下微而未著其色眉赤赤者陽氣故周以天正爲歲色尚赤夜半爲朔十二月萬物始牙色白白者陰氣故殷以地正爲歲色尚白鷦鷯爲朔十三月萬物始達其色皆黑人得加功以展其業夏以人正爲歲色尚黑平旦爲朔故日三微王者奉而成之各法其一以改正朔也易乾鑿度日三微而成著三著而體成當此之持天地交萬物通也周以天元殷以地元夏以入元若以此時行刑則殷周歲首皆當流血不合入心不稽天意月令曰孟冬之月趣獄刑無留罪臣賢案月令及淮南子皆言季秋趣獄刑無留罪今言孟冬未詳其

故明大刑肆在立冬也又孟冬之月身欲寧

事欲靜仲也仲冬君子齋戒身欲寧事欲靜
并注意孟當作仲若以降威怒不可謂寧若以行大

刑不可謂靜議者咸曰旱之所用咎在改律
臣以爲殷周斷獄不以三微而化致康平無
有灾害自元和以前皆用三冬而水旱之異
往往爲患由此言之災害自爲它應不以改
律秦爲虐政四時行刑聖漢初興改從簡易
蕭何草律季秋論因俱避立春之月草謂割
論決造之也而不計天地之正二主之春實頗有違
也

言蕭何不論天地之正及殷周之春實乖正道
其中允信也中正也言信執中正之道語見尚書
永年之功尚書曰立功立事可以永年上有迎承之敬下
有奉微之惠三正之月不用勘獄敬承天意奉順三微也稽春秋
之文當月令之意春秋於春每月書王所以通三統也何休注云二月
三月皆有王者二月殷正月夏正月也

聖功羨業不宜中書疑

書奏帝納之遂不復改寵性周密常稱人臣
之義苦不畏慎自在樞機謝遣門人拒絕知
文唯在公家而已朝廷器之器重皇后弟侍

中竇憲

竇后兄今諸本皆言弟蓋誤也

薦真

地按竇后紀及憲傳並云憲
定令張林爲尚書帝以問寵寵對林雖有才
能而素行貪濁憲以此深恨寵林卒被用而
以臧汙抵罪及帝崩憲等秉權常銜寵乃白
太后令典喪事欲因過中之黃門侍郎鮑德
素敬寵說憲第夏陽侯瓊曰陳寵奉事先帝
深見納任故父留臺閣賞賜有殊今不蒙忠
能之賞而計幾微之故樂微言誠傷輔政容
貸之德瓊亦好士深然之故得出爲太山太

守後轉廣漢太守西州豪右并兼吏多姦貪
訴訟日百數寵到顯用良吏王湧譚顯等以
爲腹心譚音徒上南反訟者日減郡中清肅先是洛
縣城南洛縣名故城在今益州雒縣南也每陰雨常有哭聲
聞於府中積數十年寵聞而疑其故使吏案
行還言世衰亂時此下多死亡者而骸骨不
得葬儻在於是寵愴然矜歎即勅縣盡收斂
葬之自是哭聲遂絕及竇憲爲大將軍征蜀
奴公卿以下及郡國無不遣吏子弟奉獻遺

者而寵與中山相汝南張郴

光武子中山王焉相也

東

平相應順

東平王蒼孫之相也

守正不阿後和帝聞

之擢寵爲大司農郴太僕順左馮翊永元六年

寵代郭躬爲廷尉性仁矜及爲理官數議

疑獄常親自讐奏每附經典務從寬恕帝輒

從之濟活者甚衆其深文刻敝於此少衰寵

又鉤校律令條法溢於甫刑者除之

鉤猶動也前書

日鉤校得其姦賊鉤音工侯反溢出也孔安國注尚書曰呂侯後爲甫侯故或稱甫刑也

曰臣聞禮經三百威儀三千

禮記曰禮經三百曲禮三千鄭

玄注云禮篇多亡本數未聞其中事儀有三千也

故甫刑大辟三百五刑之屬三千禮之所去刑之所取

去禮之去人刑以

加之故失禮則入刑相爲表裏者也今律本

死刑六百一十耐罪千六百九十八

耐者輕刑之名

也贖罪以下二千六百八十一溢於甫刑者

千九百八十九其四百一十大辟千五百耐

罪七十九贖罪春秋保乾圖曰王者三百年

一蠲法漢興以來三百二年憲令稍增科條

無限又律有三家其說各異宜令三公廷尉

平定律令應經合義者可使大辟二百而耐
罪贖罪二千八百并爲三千悉刪除其餘令
與禮相應以易萬人視聽以致刑措之美傳
之無窮未及施行會坐詔獄吏與囚交通抵
罪詔特免刑拜爲尚書遷大鴻臚寵歷二郡
三卿所在有迹見稱當時十六年代徐防爲
司空寵雖傳法律而兼通經書奏議溫粹號
爲任職相在位三年薨以太常南陽尹勤代
爲司空勤字叔梁篤性好學屏居入外荆棘

生門時人重其節後以定策立安帝封福亭
侯五百戶永初元年以雨水傷稼策免就國
病卒無子國除寵子忠

忠字伯始永初中辟司徒府三遷廷尉正廷尉屬官也
秩千石也以才能有聲稱司徒劉愷舉忠明
習法律宜備機密於是擢拜尚書使居三公
曹成帝置五尚書三公曹尚書主知勸獄也忠自以世典刑法用
心務在寬詳初父寵在廷尉上除漢法溢於
甫刑者未施行上音時及寵免後遂寢而苛

法稍繁人不堪之忠略依寵意奏上二十三

條爲決事比必比例也以省請讞之敝又上除

蠶室刑

蚕室官刑名也或云犧刑也音奇敗反作審室畜火如蚕室也

牛也驂音縕漢舊儀注日解

少府若廬獄有蚕室也減吏三世禁錮

狂易殺人得減重論

狂易謂狂而易性也

母子兄弟相

代死聽赦所代者事皆施行及鄧太后崩安

帝始親朝事

忠以爲臨政之初宜徵聘賢才

以宣助風化

數上薦隱逸及直道之士馮良

周慶杜根成翊世之徒

於是公車禮聘良慶

等後連有灾異詔舉有道公卿百僚各上封

事忠以詔書既開諫爭慮諍事者必多激切

或致不能容乃上疏豫通帝意曰臣聞任君

廣山數之大納

切直之謀

荀氏傳曰川澤納汙山數藏疾瑾瑜

匿瑕國君含垢天之道也

忠臣盡謇諤之節不畏蓬耳之

害

史記曰趙簡子有臣周舍好直諫周舍死

人之唯唯不如周舍之諤諤家語

孔子曰忠言逆耳而利於行也是以高祖

舍周昌桀紂之譬

周昌爲御史大夫嘗燕入奏事高帝方擁戚姬昌走

出高帝逐得騎昌項問曰我何如主也昌仰曰陛下桀紂之主也

上笑不之罪也孝

文嘉爰蓋人豕之譏

文帝幸憤丈人常與皇

人從蓋爲中郎將却慎夫人坐慎夫人怒不
坐帝亦起蓋前說曰陛下爲慎夫人適所以
禍之也獨不見人豕乎上

大悅人豕解見皇后紀也

武帝納東方朔宣

室之正

武帝爲館陶公主私人董偃置酒宣

宣室者先帝之正處也非法度之正不得入焉上日善更置酒北宮也

元帝容

薛廣德自刎之切

元帝耐祭宗廟出便門欲御樓船御史大夫薛廣德

當車免冠諫日宜從橋詔曰大夫冠廣德日

陛下不聽臣臣自刎以血汙車輪帝乃隨橋

背晉平公問於叔向曰國家之患孰爲天對

曰大臣重祿不極諫小臣畏罪不敢言下情

不上通此患之大者

公曰善於是下令曰吾

欲進善有謁而不通罪至死

此已上皆見新序今明

詔崇高宗之德

商宗殷王武丁也有雉登鼎

推宋景之誠

史記曰宋景公時熒惑守心星歲公皆不聽天感其誠

熒惑爲之退三舍也

引咎克躬諮詢群吏

言事者見杜根成翊世等新蒙表錄顯列二

臺

謂杜根爲侍御史成翊世爲尚書郎也

必承風響應爭爲切

直若嘉謀異策宜輒納用如其管穴妄有譏

刺管窺天以隙視文隙即穴也雖苦口逆

管穴言小也史記扁鵲日若以

刺管窺天以隙視文隙即穴也

雖苦口逆

耳。不得事實，但優游覓容以示聖朝無譖之。

美若，有道之士對問高者宜垂省覽特選

等以廣直言之路書御有詔拜有道高第士

沛國施延爲侍中延後位至太尉

謝承書曰
謝延字君子

蘄縣人也少爲諸生明於五經星官風角靡有不綜家貧母老周濟傭貸常避地於廬江臨湖縣種瓜後到吳郡海鹽取卒月直貨作半路亭父以養其母是時吳會未分山陰馮敷爲督郵到縣延持筭往敷知其賢者下車謝使入亭請與飲食脫衣與之餉錢不受順帝徵拜太尉年七十六夢常侍江京李閨等皆爲列侯共

秉權任帝又愛信阿母王聖封爲野王君忠

內懷懼憇而未敢陳諫乃作摺紳先生論以

諷文多故不載

摺紳也大帶也

自帝即位以後頻

遭元二之虎

元一解見鄧騭傳

百姓流亡盜賊並起

郡縣更相飾匿莫肯糾發

更相文飾隱匿盜賊也

忠獨

以爲憂上疏曰臣聞輕者重之端小者大之

源故限潰蟻孔氣洩鍼芒

韓子曰千丈之堤以螻蟻之穴而潰

書曰小不可不殺

尚書康誥曰有厭如芒氣出如箇也

是以明者慎微智者識幾

縱詭隨以謹無良

詩木雅也言詭詐委隨之人不可縱宜即罪之用謹

黃帝素問曰針頭

是以明者慎微智者識幾

勑不善
之入也

蓋所以崇本絕末鉤深之慮也臣竊

見元年以來盜賊連發攻亭劫掠多所傷殺

夫穿窬不禁則致彊盜

論語孔子曰色厲而內荏其猶穿窬之盜

乎彊盜不斷則爲攻盜攻盜成群必生大姦

故亡逃之科憲令所急至於通行飲食罪致

大辟

痛行飲食猶今律云過致資給興同罪也飲音薩食音寺

而頃者以

來莫以爲憂州郡督錄怠慢長吏防御不肅

皆欲採獲虛名譖以盜賊爲負雖有發覺不

務清澄至有逞威濫怒無辜僵仆或有跔踴

比伍轉相賦歛

說文日蹠小步也言蹠上身小步畏吏之甚也

或隨

吏追赴周章道路是以盜發之家不敢申告

鄰舍比里共相壓迮

逼迫也

或出私財以償所

亡其大章著不可掩者乃肯發露陵遲之漸

遂旦成俗寇攘誅咎皆由於此

寇盜攘籍也案文但言寇尚書曰無敢

攘誅不成文理當有一浦字前年勃海張

伯路可爲至戒覆車之軌其迹不遠蓋失之

末流求之本源宜剏增舊科以防來事自今

彊盜爲上官若他郡縣所糺覺一發部吏皆

正法

上官謂郡府也若及也部吏

尉貶秩

謂督郵旂檄也正法依法也

尉貶秩

等令長三月奉贖罪二發尉免官令長貶秩

一等三發以上令長免官便可撰立科條處

爲詔文切勅刺史嚴加糺罰異以猛濟寬驚

懼姦慝頃季夏太暑而消息不協

前書音義日急卦曰

太陽消卦日太陰其餘雜卦日少陰少陽

寒氣錯時水涌爲變天

之降異必有其故所舉有道之士可策開國典所務王事過差令處緩氣不效之意庶有讜言以承天誠初元三年有詔大臣得行三十

年喪服闋還職忠因此上言孝宣皇帝舊令人從軍屯及給事縣官者太父母死未滿三月皆勿徭令得葬送請依此制太后從之至建光中尚書今祝諷祝或作役○劉政案文祝當作役尚書孟布等奏以爲孝文皇帝定約禮之制約儉也孝告寧之典前書音義日告寧休謁之名吉日三十六日釋服後以爲故事光武皇帝絕常崩遺詔薄葬以日易月九二十石有予告凶日寧古者名吏休假日告吏得也賜告房三月當免天子優賜其告使帶印綬將官屬歸家養疾也貽則萬世誠不可改宜復建武

故事忠上疏曰臣聞之孝經始於愛親終於哀戚上自天子下至庶人尊卑貴賤其義一也夫父母於子同氣異息一體而分三年乃免於懷抱先聖緣入情而著其節制服二十年是以春秋臣有大喪君三年不呼其門閔子雖要絰衣服事以赴公難退而致位以究私恩故稱君使之非也臣行之禮也自此已至臣有大喪並公羊傳之文也閔子騫孔子弟子也遭喪君使之從軍騫乃要絰而服以從軍役事了退家致位喪次極盡私恩故君使之雖非臣從君命有禮也周室陵遲

禮制不序蓼莪之人作詩自傷曰瓶之罄矣惟罍之恥小雅蓼莪之詩也蓼蓼長大兒也識義蘿誤以爲蒿也其詩曰蓼蓼者莪匪莪伊蒿哀哀父母生我劬勞瓶之罄矣惟罍之恥注云餅小而罍大也罄盡也瓶小而盡罍大而盈言爲罍恥者刺幽王不使富分貧衆恤寡也言已不得終竟子道者亦上之恥也高祖受命蕭何割制大臣有寧告之科合於致憂之義論語曾子曰吾聞夫子人未建武之初新承大亂凡諸國政多趣簡易大臣既不得告寧而群司營祿念私鮮循三年之喪以

報顧復之恩者禮義之方實爲彫揔大漢之興雖承衰敝而先主之制稍以施行故籍田之耕起於孝文文帝二年詔曰農天下之本也其開籍田也孝廉之貢發於孝武武帝元光元年初郡國舉孝廉之本也其開籍田也郊祀之禮定於元成元帝成帝時匡衡韋玄成乎陛下謂安帝詔大臣得行三年喪也三雍之序備於顯宗三雍明堂辟雍靈臺也聖功羨業靡以尚矣孟子有言老吾老以及人之老幼吾幼以及人之幼天下可運於掌言敬吾老亦敬人之老愛吾幼亦愛人大臣終喪

人之初有敬愛之心則天臣願陛下登高北望以甘陵之思揆度臣子之心則海內咸得其所甘陵安帝母陵陵在清河故言北望也宦豎不便之寃寢忠奏而從諷布議遂著于令忠以久次轉爲僕射時帝數遣黃門常侍及中使伯榮往來甘陵伯榮帝乳母王聖母也而伯榮負寵驕蹇所經郡國莫不迎爲禮謁又霖雨積時河水涌溢百姓騷動忠上疏曰臣聞位非其人則庶事不敘庶事不敘則政有得失政有得失則感動

陰陽妖變爲應陛下每引災自厚不責臣司

臣苟狃恩莫以爲負

狃音女九反詩日將叔無狃注云狃習也言屢

被恩貸不以災變爲憂負也故天心未得隔井屢臻

謂水謂旱不躬也尚書曰一極備

屢士凶并音必姓反漏溢也徐岱之濱海水盆溢充豫蝗蠒滋生

河漏蠒子也也荆揚稻收儉薄并涼二州羌戎叛戾加

杼袖謂機也小雅大東詩杼袖其空也以百姓不足府帑虛匱自西徂東杼袖將空

臣聞洪範五事一日小東大東杼袖其空也臣聞洪範五事一

曰貌貌以恭恭作肅貌傷則狂而致常雨

洪範

五行傳辭春秋大水皆爲君上威儀不穆臨蒞不

嚴臣下輕慢貴倖擅權墮氣盛彊陽不能禁故爲淫雨陛下以不得親奉孝德皇園廟德

皇安帝父清河王慶也比遣中使致敬甘陵朱軒輶馬

相望道路可謂孝至矣朱軒車使者然臣竊

聞使者所過威權翕赫震動郡縣玉侯二千

石至爲伯榮獨拜車下儀體上僭侔於人主

長吏惶怖譴責或邪詣自媚發人修道繕理

亭傳多設儲時徵役無度儲積也老弱相隨

動有萬計賂遺僕從人數百匹頗踣呼嗟莫
不叩心河間託叔父之屬河間王開安帝叔也清河有
陵廟之尊清河王延平也陵廟所在故曰尊及剖符大臣皆
餽爲伯榮屈節車下陛下不問必以陛下欲
其然也伯榮之威重於陛下陛下之柄在於
臣妾水灾之發必起於此昔韓嫣託副車之
乘受馳視之使江都誤爲一拜而嫣受歐力
之誅韓嫣弓高侯之孫也得幸於武帝武帝
馳視獸江都王望見以爲天子伏謁道傍嫣
驅不見王怒爲皇太后泣言太后御之後嫣

出入求菴以姦聞
太后賜嫣死也

臣願明主嚴天元之尊正
乾剛之位天元猶乾元也易職事巨細皆任
賢能不宜復令女使干錯萬機重察左右得
無石顯泄漏之姦石顯字君房少時坐法腐刑爲中書令元帝委以政事公卿畏之重足一迹顯恐天子旦納用
事公卿畏之重足一迹顯恐天子旦納用
左右間已乃取一言爲驗上嘗使至諸宮徵
發先白上恐漏盡宮門閉請詔開門上許之
顯故投夜還詔開宮門後果有上書告顯矯
詔開宮門天子聞之笑顯泣曰陛下過私小
臣屬任以事羣下無不嫉妬欲陷害者唯明
主能知之上以爲然而憐之

尚書納言得無趙昌譖崇之
詐尚書令趙昌佞諂因奏崇與宗族通疑有
鄭崇哀帝時爲尚書僕射數諫爭帝不許

葬上怒下崇宋博之援哀帝

獄死獄中也公卿大臣得無阿傳之援哀帝

爲丞相承傳太后指奏免大司馬傳喜哀帝怒下博獄自殺也

外屬近戚得不能平鳳鳴陰宋商短使入上書告商閨門

內事商坐免王商宣節舅樂昌侯王武之子非成帝舅也

成都侯也若國政一由帝命王事每決於己

則下不得福上臣不得于君常兩大水必當

霧止霧亦四方衆異不能爲害書奏不省時

三府任輕機事專委尚書而灾眚變咎輒切

免公台勿責忠以爲非國舊體上疏諫曰臣

聞君使臣以禮臣事君以忠論語孔子對曾定公之辭也

故三公稱曰冢宰王者待以殊敬在輿爲下御坐爲起漢舊儀日皇帝見丞相起謁者贊

在道丞相迎謁者贊贊曰皇帝爲丞相起立乃坐皇帝爲丞相下輿立乃升車

政事出則監察而董是非董督漢典舊事永

相所請靡有不聽今之三公雖當其名而無

其實選舉誅賞一由尚書尚書見任重於三

公陵遲以來其漸久矣臣忠心常獨不安是

故臨事戰懼不敢穴見有所興造穴見言又

不敢希意同僚以謬平典而謗讟日聞罪足

萬死近以地震策免司空陳寔

寔字伯仁廬江人也今

者灾異復欲切讓三公背孝成皇帝以妖星
守心移咎丞相使賁麗納說方進方進自引
卒不蒙上夫之福

成帝時熒惑守心議郎李尋奏訊丞相翟方進曰唯君侯盡節轉凶方進憂个知叫出有即貴麗善爲星言大臣宜當之上乃召見方進賜養牛上尊酒令審處焉方進即日自殺貢音肥

徒非宋景之誠

解見前文

言景公有灾身自引咎故知是非之分較然成帝不然故日徒也

有歸矣又尚書決事多違故典罪法無例詆

欺爲先文慘言醜有乖章憲宜責求其意割而勿聽上順國典下防威福置方貞於規矩審輕重於衡石

衡秤衡也三十斤爲鈞四鈞爲石也

誠國家之典萬世之法也忠意常在褒崇大臣待下以禮其九卿有疾使者臨問加賜錢布皆忠所建奏頃之迁尚書令延光三年拜司隸校尉糾正中官外戚賓客近偉憚之不欲忠在內明年出爲江夏太守復留拜尚書令會疾卒初太尉張禹司徒徐防欲與忠父寵共奏追

封和熹皇后父護羌校尉鄧訓寵以先世無奏請故事爭之連日不能奪乃從二府議及訓追加封謚禹防復約寵俱遣子奉禮於虎賁中郎將鄧騭寵不從騭心不平之故忠不得志于鄧氏及騭等敗衆庶多怨之而忠數上疏陷成其惡遂誣劾大司農朱寵順帝之爲太子廢也諸名臣來歷祝諷等守闕固爭時忠爲尚書令與諸尚書復共効奏之及帝立司隸校尉虞詡追奏忠等罪過當世以此

譏焉

論曰陳公居理官則議獄緩死相幼主則正下僭寵○劉放曰案文不當作正謂臣下之僕寵也然陳寵無正僭寵之事陳忠乃有言伯榮疏論說似誤也可謂有宰相之器矣忠能承風亦庶乎明慎用刑而不留獄然其聽狂易殺人開父子兄弟得相代死斯大謬矣是則不善人多幸而善人常代其禍進退無所措也

贊曰陳郭主刑人賴其平寵矜枯胷躬斷以

情忠用詳密損益有程

程品或也謂疆盜發
縣令長各有科條

故日施于孫子且公且鄉

施延也音
詳鼓反

郭陳列傳第三十六

師道

校正

宋

